

大明會典


十四ノ三 共六十四本

東 京 圖 書 館				
六 冊	一 〇 號	一 八 架	一 七 八 九 函	政 書 類
				漢 書 門

廿五

卷六十二
六十五

WA 35
23
25



大明會典卷之六十二

冠禮五

皇太孫冠禮

禮部二十一

永樂九年定

明治八年文部省交付

前期二日各執事官於本部習儀次日赴

華蓋殿習儀

前期錦衣衛設幕次于

華蓋殿之東序鴻臚寺設掌贊宣

勅戒等官位於殿內道之東北向西上設應行禮

官屬位於內道東西上設護衛武官位於內



道之西東上設諸執事起居位於武官位之
東北向設通贊典禮二人位於殿內東西相
向內侍設

皇太孫冠席於殿內東南西向設醴席於西上南
向張帷幄於東序內陳設裊褥於帷中又張
帷於序外內侍陳服於帷內東領北上衣服
九章翼善冠絳紗袍緇纒網巾犀簪三物同
箱在服南櫛實于箱又在南司尊實醴于側
尊加勺幕設于醴席之南設坫于尊東置二
爵于坫進饌者實饌設於尊北諸執事者皆

立於其所冕九旒翼善冠緇纒網巾各以箱
盛候是日早

上御奉天殿傳

制遣官制詞曰

朕皇太孫某冠命卿等持節行禮傳

制畢掌冠官持節至

華蓋殿行禮候節至禮部鴻臚寺等官詣東序啓
皇太孫出迎殿門外贊禮道寸

皇太孫迎節至殿置于中設香案樂作贊禮贊

皇太孫行四拜禮畢禮部等官啓

皇太孫詣冠席內侍二人夾侍

皇太孫即席正南向樂止引禮引賓贊以次詣盥
洗樂作搢笏盥手脫手訖出笏樂止自西階
執緇纒及網巾者升掌冠降一等受之進

皇太孫席前北面立祝曰吉月令辰乃加元服懋
敬是承永介景福畢供奉官束髮掌冠跪加
網巾樂作賓興席南北面立贊冠者北面跪
正之興立於掌冠後內使跪進服訖樂止掌
冠啓

皇太孫復坐執翼善冠者升掌冠降二等受之右

執項左執前進

皇太孫席前北面立祝曰冠禮申舉以成令德敬
慎威儀惟民之式畢乃跪冠樂作掌冠興席
南北面立贊跪進席前北面跪正冠興立于
掌冠後

皇太孫興內使進絳紗袍服訖樂止掌冠啓

皇太孫復坐贊冠進席前北面跪脫翼善冠置于
箱興內侍跪脫服亦置于席執袞冕者升賓
降二等受之右執項左執前進

皇太孫席前北面立祝曰童服咸加飭敬有虔永

固

皇圖於千萬年畢乃跪冠樂作掌冠與席南北向立
贊冠者進席前北面跪簪結紘與立於掌冠
後內侍跪進衣服訖樂止禮部等官引

皇太孫降自東階樂作由西階升即醴席南向坐
樂止引禮引掌冠詣壘洗樂作搯笏盥手訖
出笏升西階樂止贊冠者取爵詣司尊酌
醴授掌冠掌冠受爵跪進于

皇太孫席前北面祝曰旨酒孔馨嘉薦載芳受
天之福萬世具昌畢

皇太孫搢圭受爵樂奏喜千春之曲飲訖奠爵進
饌者捧饌設於

皇太孫席前

皇太孫食訖出圭執事徹饌樂止禮部等官啓請
引

皇太孫降自西階詣拜位樂作就位引禮引宣
勅戒官詣

皇太孫位稍東西向稱有
制贊

皇太孫跪樂止聽宣

勅戒詞曰孝事君親友于兄弟親賢愛民居仁由
義母公忌母驕茂隆萬世樂作俯伏興拜興拜
興拜興拜興拜平身樂止禮部官啓禮畢贊禮
畢樂作禮部官引

皇太孫送節至殿門外引還東序內侍引還宮樂
止掌冠等官復

命

皇太孫當日謁

廟畢就詣

上位前謝及

東宮前謝次日文武百官具朝服稱賀詞曰

皇太孫冠禮既成禮當慶賀次詣

文華殿稱賀次詣

皇太孫前行賀禮

親王冠禮

諸司職掌

一前期三日各執事官於本部習儀至日傳

製造官持節行禮

一前期儀衛司先設

王邸在東序張帷幄設衲褥於序中又張帷于序

儀禮司設掌贊宣

勅戒等官序立位于

王邸東稍西向具九旒冕翼善冠絳紗袍等服并
網中金簪二物各以箱成候持節者至禮部
儀禮司等官啓

王出迎門外贊禮導

王行節入

王邸置中庭樂作贊

王詣香案前四拜畢禮部等官啓就冠席西南向
內侍二人夾侍樂止引禮引賓贊以次詣壘

洗樂作搯勿盥手樂止通贊典儀二人露臺

東西向冠席在東序南西向醴席在西南向

行禮之時諸執事官陞自東階稍西向掌冠

者執網巾陞賓降一等受之進

王席前稍北面立祝曰惟茲吉日冠以成人克敦

孝友福祿來臻畢供奉官東髮掌冠跪進網

巾樂作贊冠者跪正之興立掌冠後內侍跪

進服訖樂止掌冠啓

王復坐執翼善冠陞賓降二等受之右手執冠後

左手執冠前進如前儀祝曰冠禮斯舉告成由

成德敬慎威儀惟民之則畢跪進冠興樂作
掌冠啓復坐贊冠進跪脫翼善冠興內使跪
脫袍服執袂冕者陞賓降三等受之進如前
儀祝曰冠至三加命服用章敬神事上永固
藩邦跪進服興樂作贊冠跪簪結紘興立掌
冠後

王興內侍跪進袞服訖樂止禮部官引

王降自東階繼作由西階陞醴席南向坐樂止引

禮引掌贊詣罍洗樂作搯笏盥手訖陞西階

樂止贊冠者取爵詣司尊所酌醴授賓賓跪

進席前北面祝曰旨酒嘉薦載芬載芳受茲

景福百世其昌畢

王搯圭受爵樂奏喜千春之曲飲訖奠爵出圭進

饌饌訖引

王降自西階詣東序易服訖樂止請

王詣拜位樂作引禮引宣

勅戒官至中庭西向立稱有

制

王跪樂止宣

勅戒曰孝于君親友於兄弟親賢愛民率由禮義

母溢母驕永保富貴樂作俯伏興四拜興樂

止禮部官啓禮畢引

王還樂止掌冠等官復

命王是日謁

廟畢就詣

父皇及

東宮前謝次日百官稱賀畢詣

王府行叩頭禮

成化二十三年續之

習儀

前期各執事官於

奉天門前東廡習儀三日

陳設

前期鴻臚寺設

王冠所於


奉天門前東廡左順門之北設節案香案各一於

廡內之北正中設冠席於東階之上西向設

醴席於西階之上東向光祿寺設司尊所一

於東階之下稍南設盥洗所一於司尊所之

南內侍設帷幄於香案之東冠席之後稍北



會典卷一百一十一
俱西向帷中設坐椅几案各一別設案於東
階之南司尊所之北具翼善冠皮弁九旒冕
皆以盤盛紅袂覆之置于案具袍服皮弁服
袞服圭帶舄等物皆以箱盛置于幄中案上
教坊司設樂於南

遣官

是日早

皇上預告

奉先殿畢具皮弁服御

華蓋殿鴻臚寺奏請陞殿傳

制遣官持節行禮文武百官各具朝服侍班如常
儀

迎節

至期內侍導

王先於帷幄中坐候持節行至禮部官啓

王迎節樂作禮部官同鴻臚寺御導

王出階下節至持節官捧即入置於北正中案上

樂止

王隨節入持節官立於節前未之東賓及宣

勅戒宣祝等官序立於東上用盥洗所之次禮部官

鴻臚寺卿導

王詣香案前立樂作行四拜禮畢樂止

就冠席

禮部官啓

王就冠席樂作禮部官同鴻臚寺卿導

王詣冠席坐樂止內侍二人侍立於

王左右

初加

鴻臚寺鳴讚贊行初加冠禮樂作引禮序班

引賓詣盥洗所搢笏盥手訖樂止鳴讚二員

稍南北向立賓陞自東小階稍西向樂作內侍

揭蓋袱以盤捧翼善冠陞賓降一等受之樂

止賓右手執冠後左手執冠前詣

王席前稍東面立贊宣祝官祝曰祝辭與諸

祝訖樂作賓跪進冠訖興復位樂止禮部官

啓易服

王入帷幄易新袍服出禮部官啓復坐

再加

鳴讚贊行再加冠禮樂作內侍揭蓋袱以盤

捧皮弁陞賓降二等以之樂止賓以右手執

弁後左手執弁前如前儀贊宣祝官祝
曰祝辭與諸司職掌同祝訖樂作內侍釋翼善冠賓跪
進皮弁訖興復位樂止禮部官啓易服
王入帷幄易皮弁服易出恒部官啓復坐

三加

鳴讚贊行三加冠禮樂作內侍揭蓋袱以盤
捧冕旒陞賓降三等受之樂止進如前儀贊
宣祝宣祝官祝曰祝辭與諸司職掌同祝訖樂作內侍
釋皮弁賓跪進冕旒訖興復位樂止禮部官
啓易服

王入帷幄易袞服出禮部官啓復坐

酌禮

鳴讚贊行酌禮禮部官啓

王詣醴席樂作禮部官同鴻臚寺卿引

王降自東階由西階陞醴席東向坐樂止光祿寺

舉醴卓置于前樂作引禮序班引賓詣盥洗

所措笏盥手訖取爵詣司尊所酌醴由西階

陞詣席前立樂止贊宣祝宣祝官祝曰祝辭與諸

司職掌同祝訖賓跪進爵鳴讚贊

王揖圭受爵置于案教坊司啓樂奏喜千春之曲

次啓進酒

王舉爵飲訖奠爵于案賓興樂止光祿寺官進饌

大樂作饌至案樂止饌訖贊出主徹卓賓後

位

受勅戒

鳴讚替受

勅戒禮部官啓

王詣受

勅戒位禮部官同鴻臚寺卿引

王降自西階由東階詣拜位立樂作引禮序班引

宣

勅戒官至庭中西向立樂止稱有

制鳴讚贊

王跪宣

勅戒曰

戒辭與諸樂作司職掌同

王俯伏興四拜興樂止鴻臚寺卿啓禮畢持節官

捧節出

王送節出門外節行至階下內侍引

王還帷中釋衮冕具翼善冠服回宮持節及賓贊

宣

勅戒等官復

命

謁見

是日

王具冕服謁祭

奉先殿用樂行禮如常儀仍具冕服謁見

皇太后畢謁見

皇上

皇后俱行五拜三叩頭禮次謁

皇妃

東宮及妃各行四拜禮皆用樂

稱賀

次日早

上位常服陞金臺百官常服稱賀致詞云

皇子冠禮已成禮當稱賀行五拜三叩頭禮畢是

日朝罷司禮監請

皇子具常服詣

奉天門前東廡坐百官常服行四拜禮

大明會典卷之六十二

大明會典卷之六十三

禮部二十三

冠禮四

品官冠禮

大明集禮

前期擇日主者告于家廟無廟則告于祠堂
北面再拜告云某之子某年漸長成將以某
月某日加冠于其首謹以告乃筮賓主者北
面再拜告云卜以某甲子吉冠某速某賓加
冠庶幾臨之謹告前二日主者戒賓及贊冠
者主者至賓大門外掌次者引之戒賓者受

主者之命入告賓曰某之子某將加冠願吾

子教之賓曰某不敏恐不能供事以辱吾子

敢辭主者曰某猶願吾子教之賓曰吾子重

有命某敢不從主者再拜賓答拜主者還賓

拜送主者戒贊冠者亦如之亦通使子前

日掌事者設次於大門外之右南向其日夙

興掌事者設洗於堂阼階東南東西當東露

六品以下南北以堂深罌水在洗東加勺罌

篚在洗西南肆實巾一於篚加罌席於東房

內西牖下無房者張陳服於席東領北上莞

筵四加藻席四在南側尊無醴在服北加勺

罌設四品以下在尊北饌陳於坵北設洗

於東房北罌水在洗西篚在洗東北肆實

以巾質明賓贊至於主者大門外掌次者引

之次賓贊公服諸行事者各服其服無公服

服執尊罌篚者皆就位某冠各一箱各一人

執之待於西階之西東面北上設主者之席


於阼階上西面賓席於西階東面冠者席於

主者東北西面主者公服立於阼階下當東

序西面諸親公服非公服者常服立於罌洗

會典卷之三

二



東南西面北上別室在傳者儼者公服立於門內

道東北面將冠者雙童髻空頂憤雙玉導金寶飾絲袴褶錦紳烏皮履

六品以下立於房內南面主者贊冠者公服

立於房內戶東西面賓及贊冠出次立於門

西贊冠者稍退俱東面北上儼者進於主者

之左北面受命出立門東西面心敢請事賓

曰某子有嘉禮命某執事儼者入告主者迎

賓於大門外之東西面再拜賓答拜凡主賓拜揖皆

贊禮者主者揖贊冠者贊冠者報揖主者又

揖賓賓報揖主者入賓及贊冠者次入及內

門行至階主者立於階東西面主者請升賓

曰某備將事敢辭主者固請賓固辭主者終

請賓三辭主者升自阼階立於席東西向賓

升自西階立於席西東向贊冠者及庭盥於

洗升自西階入於東房立于主者贊冠者之

南俱西面主者贊冠者引將冠者立于房外

之西南面賓之贊冠者取纒櫛替跪奠于冠

者筵南端席北稍東西面立賓揖將冠者賓

主俱即席坐將冠者進升席西南坐賓之贊

冠者進筵前東面脫髻童髻置于箱櫛畢

設纒興復位之賓主俱興賓降至盥洗盥手
 訖詣西階主者立於席後西面賓立於西階
 上東面執緇布冠者升授賓賓降一等受之
 右執項左執前進將冠者進前東向立祝曰
 令月吉日始加元服棄爾幼志慎爾成德壽
 考維棋介爾景福乃跪冠興復西階上席後
 東面立賓之贊冠者進進前東面跪結纒興
 復位冠者興賓揖冠者冠者適房賓主俱坐
 冠者著青衣素裳之服出房戶西南面立賓主俱興
 賓揖冠者冠者進升席西向坐賓之贊冠者

跪脫緇布冠置於箱擲畢設纒興復位執進
 賢冠者升賓降二等受之右執項左執前進
 冠者進前東向立祝曰吉月令辰乃申爾服
 恭爾威儀泚慎爾德眉壽萬年永受胡福乃
 跪冠興復位賓之贊冠者跪設簪結纒興復
 位冠者興賓揖冠者冠者適房賓主俱坐冠
 者著紗縹服出自房戶西南面立賓主俱興賓揖
 冠者冠者進升席西向坐賓之贊冠者跪脫
 進賢冠置於箱擲畢設纒興復位執爵弁者
 升賓降三等受之右執項左執前進冠者進

會典卷之二十三

三十一



前東向立祝曰以歲之正以月之令成加爾
服兄弟具在以成厥德黃耆無疆受天之慶
乃跪冠興復位賓之贊冠者跪設簪結纓興
復位冠者興賓揖冠者適房賓主俱坐主者
贊冠者撤纒櫛簪箱及筵入于房又設筵於
室戶西南向冠者着爵弁之服出房戶西南
面立賓主俱興主者贊冠者盥手洗解於房
酌醴出房南面立賓揖冠者冠者就筵西南
面立賓進受醴進冠者進前北面立祝曰甘
醴維厚嘉薦令芳拜受祭之以定爾祥承天

之休壽考不忘冠者筵西拜受解賓復西階
上東面答拜執饌者奉饌薦於冠者筵前冠
者左執解右取脯祭於邊豆之間贊冠者取
脯一以授冠者冠者奠解於薦西以祭冠者
坐取解祭醴奠解再拜執解興賓答拜賓主
俱坐冠者升筵跪奠解於薦東興進北面跪
取脯降自西階入見母進奠脯於席前退再
拜以出冠者母不在則使人受脯於西階下
初冠者入見母賓主俱興賓降當西序東面
立主者降當東序西面立冠者既見母出立

於西階東南面賓少進字之曰禮儀既備令
月吉日昭告爾字爰字孔嘉髦士攸宜宜之
于嘏永受保之曰伯某甫冠者曰某雖不敏
夙夜祗奉賓出主者送於內門外主者西向
請賓曰吾子辱執事請禮從者賓曰某得將
事敢辭主者固請賓曰某既不得命敢不從
賓就次主者入初賓出冠者東面見諸親諸
親拜之冠者答拜冠者西面拜賓之贊冠者
賓之贊冠者答拜訖見諸尊於別室賓主既
釋服改席訖賓與衆賓俱出次立於門西東

面主者出門東西面主者揖賓匕報揖主者
先入賓及衆賓從之至階賓立於西階上贊
冠者在北少退俱東面主者立於西階上西
面衆賓降立於西階下東面掌事者以幣篚
升授主者主者受幣篚於賓匕受之又以幣
篚授贊冠者贊冠受之俱復位主者还阼階
上北面拜送賓贊降自西階主者送賓於大
門外之東西面再拜賓出主者入孤子則諸
父諸兄戒賓冠之日主者紿而迎賓拜揖讓
如冠主冠於阼階之下禮賓拜送皆如上儀

明日見廟冠者朝服質明贊札者引入廟南
門中庭道西北向贊再拜訖引出

士庶冠札

洪武元年定

凡男子年十五至二十皆可冠將冠筮日筮
賓於祠堂戒賓俱同品官儀是日夙興張帷
為房於所事之東賓主執事者皆盛服設盥
於階下東南陳服於房中西牖下東向北
上席二在南酒壺在服北次盞注幘頭帽巾
各盛以盤象以巾帕執事者三人捧之立於

堂下西階之西南向東上主人立于阼階下
子弟親戚立于盥東賓者立于門外以俟賓
將冠者雙紉袍勒帛素履待於房中賓至主
人出迎揖而入坐定將冠者出於房執事者
請行事賓之贊者取櫛總篋比幘頭置於席南
端賓揖將冠者將冠者即席西向坐賓之贊
者為櫛令紉施總加幘頭賓主皆降主人立
于阼階下賓盥訖主人揖讓升自西階皆復
位執事者以巾進賓降西階一等受之詣冠
者席前東向祝云跪為着巾興復位冠者

興賓揖冠者適房易服深衣大帶出房即冠
席賓盥訖降二等受帽進祝贊者徹巾賓跪
冠興復位冠者興賓揖冠者入房易服服旋
欄衫腰帶出房即冠席賓盥訖降二等受幘
頭進祝三祝皆同品官詞贊者徹帽加幘頭
復位冠者興賓揖冠者適房易公服出房執
事者徹冠席入帷中更設醴席於西階南向
贊者酌醴出房立於冠者之南賓揖冠者即
醴席西向立賓受醴詣席前北面祝同品官
詞冠者於席西拜受賓答拜執事者薦饌冠
者即席坐飲食訖再拜賓答拜冠者離席立
於西階之東南向賓字同品官詞冠者拜賓
答拜冠者拜父母父母為之起拜諸父之尊
者遂出見鄉先生及父之執友先生執友皆
答拜訖賓退主人請禮賓辭固請許諾乃入
設酒饌延賓及賓贊者賓退主人酬賓贊者
以幣乃拜謝禮畢主人以冠者見祠堂告曰
某之子某冠畢敢見冠者北面焚香再拜出

大明會典卷之六十三

大明會典卷之六十四

禮部二十三

婚禮一

天子納后儀

正統七年定

納采問名

前期擇日遣官告

天地

宗廟至期前一日所司設

御座于

奉天殿鴻臚寺設

制案節案於

御座前內官監禮部陳禮物於文樓下教坊司設中

和樂于殿內至期清晨錦衣衛設鹵簿於

丹陛丹墀禮部陳禮物於

丹陛上及文樓下設綵輿於

奉天門外教坊司設大樂於

奉天門內鼓三嚴鍾止鴻臚寺奏請陞殿

上具冕服導駕奉引如常儀陞座文武官朝服叩頭

訖執事引正副使朝服就拜位行四拜禮傳

制官奏傳

制訖由東門出執事舉

制案節案由中門出禮物在

丹陛上者隨之俱置

丹陛中道傳

制官宣

制曰茲選某官某女為

皇后命卿等持節行納采問名禮正副使又行四拜

禮鴻臚寺奏禮畢

上興引禮引

制案節案用傘蓋遮護由

奉天門中門出執事引文樓下禮物隨出至

奉天門外正副使取

制書置綵輿中儀仗大樂前道後中門中道行出

大明門外正副使釋朝服乘馬行詣

皇后第行禮

皇后第前一日設正副使幕次于大門外左南向設

香案於正堂中設

制案節案于香案南別設案於香案之北其日正

副使至大門外儀仗大樂分列置綵輿於正

中設

制案節案於綵輿北引禮引正副使入幕次執事

官陳禮物於正堂正副使出幕次取

制書置案上禮官一員先入正堂立於東主婚者

朝服出見立于西禮官曰奉

制建后遣使行納采問名禮引主婚者出迎引禮

引正副使捧

制書及節先行主婚者隨行至正堂置

制書及節于案正使立于案左副使立于案右引

禮引主婚者就拜位行四拜禮詣案前跪正

使取納采

制宣訖授主婚者主婚者受之授執事者置于北
案上稍左副使取問名

制宣訖授主婚者主婚者受之授執事者置于北
案上稍右主婚者俯伏興平身執事者舉荅
問名表案于主婚者後少西取表授主婚者
主婚者受表跪授正使主婚者俯伏興平身
退就拜位又行四拜禮畢正副使出置表綵
輿中訖主婚者至正副使前致詞云請禮從
者酒饌畢主婚者捧幣以勞正副使正副使
出主婚者送至大門外正副使進發綵輿於

大明等門左門入至

奉天門外以表節授司禮監官奏

聞復

命

納采制

朕承天序欽紹鴻圖經國之道正家為本夫
婦之倫乾坤之義實以相

宗祀之敬協奉養之誠所資維重祇遵

聖祖母太皇太后

聖母皇太后命今遣使持節以禮采擇

問名制

朕惟天婦之道大倫之本正位乎內必資名家特遣使持節以禮問名尚佇來聞

荅辭

臣某伏承嘉命正使某官某等重宣

制詔問臣名族臣女臣夫婦所生先臣某官某之玄孫先臣某官某之曾孫先臣某官某之孫先臣某官某之外孫臣女今年若干謹具奏

聞

納吉納徵告期

前一日所司設

制案節案禮物中和樂至期清晨設鹵簿綵輿大

樂傳

制遣使並同前納采問名儀但納徵用玄纁束帛

六馬等物

制詞云茲聘某官某女為

皇后命卿等持節行納吉納徵告期禮

皇后第前一日設正副使幕次香案

制案節案別設案並同前受納采問名儀惟更設

玉帛案其日正副使至

皇后第於綵輿中取

制書玉帛置案上少候執事先設

皇后冠服諸禮物於正堂六馬陳於堂下禮官一員
入正堂主婚者出見禮官曰奉

制聘

皇后遣使行納吉納徵告期禮主婚者出迎執事舉
玉帛案前行正使於案取納吉納徵

制書捧之副使取告期

制書及節捧之次行主婚者後隨至正堂正副使
各以

制書及節置案上退立案之左右相向置玉帛案

于

制書案之南引禮引主婚者就拜位行四拜禮引

詣案前跪正使取納吉納徵

制書以次宣訖授主婚者主婚者受

制以授執事者執事者跪受置于北案正使捧主

授主婚者主婚者受主以授執事者執事者

跪受置于北案副使捧玄纁授主婚者主婚

者受以授執事者執事者跪受置于北案副

使取告期

制書宣訖授主婚者主婚者受

制以授執事者執事者跪受置于北案主婚者俯

伏與平身復位行四拜禮畢正副使持節出

以節置綵輿中主婚者送至門外請禮從者

及捧幣勞正副使俱同前正副使還至

奉天門外以節授司禮監官捧入復

命

納吉制

大婚之卜龜巫卿士協從敬循禮典遣使持

節告吉

納徵制

卿女有貞靜之德稱母儀之選宜共承

天地

宗廟特遣使持節以禮納徵

告期制

歲今月良吉日某甲子大婚維宜特遣使持

節以禮告期

發冊奉迎

前一日所司設樂儀仗如常儀至期清晨鴻

臚寺設

制書案節案冊案寶案於

御座前禮部陳鴈及禮物於

丹陛上設綵輿於

奉天門外內官監陳設

皇后鹵簿車輅禮物於綵輿南其傳

制遣使並同前納采問名儀但改

制詞云茲冊某官某女為

皇后命卿等持節奉冊寶行奉迎禮其

制冊寶節用傘蓋遮護從中門出執事舉鴈及禮

物隨行正副使亦隨行詣

皇后第行禮其奉迎用旗手衛鼓吹前導設而不作

教坊司作樂如常儀是日內官設

皇后幕次於內殿南向設

上與

皇后各更服處於內殿

皇后第前一日設正副使幕次于大門外南向設香

案

制書案節案冊寶案于正門中又設香案

制書案節案于正堂別設案于正堂北其日正副

使至於綵輿中取

制書冊寶置案上入次少候女官奉

皇后首飾禕服入中堂左內官陳儀仗車輅等物于
大門內禮官一員先入主婚者朝服出見禮
官曰奉

制冊

后遣使持節奉冊寶行奉迎禮主婚者出迎執事者
舉冊寶案前行正副使捧

制書及節次行執事者執鴈及禮物隨入主婚者
從行至正堂正副使置

制節于案執事者置冊寶案于

制節之南冊東寶西正使立于案左副使立于案
右相向引禮引主婚者就拜位行四拜禮退
立於西南女官以首飾禕服進

皇后內官進

皇后儀仗于中堂前設女樂於堂下作止如常儀司
禮監官進前受節冊寶正副使於案取節冊
寶授之仍前立候內贊二人引捧節冊寶監
官入中堂前各置于案

皇后具服出閣女官及宮人擁護詣香案前向闕立
內贊贊行四拜禮贊宣冊贊跪

皇后跪宣冊官取冊立宣于

皇后之左訖贊受冊贊搢圭宣冊官以冊進授

皇后皇后受冊以授女官女官跪受立于西贊官贊
宣寶官取寶立宣于

皇后之左訖贊受寶宣寶官以寶進授

皇后皇后受寶以授女官女官跪受立于西贊出圭
贊興又贊四拜禮畢

皇后入閣持節監官由正門出授正副使報受冊寶

禮畢引禮引主婚者詣案前跪正使取奉迎
制宣訖授主婚者主婚者授執事置于北案執事

者以鴈及禮物進副使以次受之授主婚者

主婚者授執事皆置于案又贊四拜禮畢正
副使出大門外置節綵輿中主婚者請禮從

者及以幣勞正副使同前司禮監官嚴整鹵
簿復以奉迎禮入達于女官女官奉請

皇后冠服出閣女樂前導宮人擎執擁護自東階下
立香案前內執事贊四拜畢請

皇后陞堂南向立主婚者進立于

皇后之東西向日戒之敬之夙夜無違命畢退立于

東階西向毋進立于

皇后之西東向施衿結帨曰勉之敬之夙夜無違畢
退立于西階東向內執事奏請乘輿

皇后降階陞輿侍從如儀內執事導從出門奉迎儀
仗大樂前行綵輿次行正副使隨行司禮監

官擁導

皇后鹵簿用寶綵輿行宮人乘轎內官內使衛護從
大明門中門入文武百官具朝服於

承天門外東西向立班迎候輿入

承天門退

皇后輿輅至

午門外鳴鐘鼓鹵簿止正副使以節授司禮監官

先入復

命捧冊寶官捧冊寶傘扇儀仗女樂前導宮人擁
護

皇后輿由

奉天門進內庭幕次捧冊寶監官以冊寶授女官

皇后出輿由西階進

上由東階降迎於庭揖

皇后入內殿內侍請

上詣更衣處具袞冕女官請

皇太后詣更服處更禮服

上同

皇太后詣

奉先殿行禮捧冊寶女官以冊寶置

皇太后宮中內官以

皇太后車輅鹵簿入

午門過

御橋由中右門進

皇太后宮中

冊文

朕躬膺

天命祇嗣

祖宗大位統馭天下致理之本肇自正家惟夫婦之

道體乾坤之義越稽古先聖君明王咸有令

德輔成於內以興王化之美以厚萬福之原

咨尔某氏生于勳門天稟純茂慈惠貞淑靜

一誠莊敬承姆師恒循禮度敷求懿德穆卜

大同今遣使持節以金冊金寶立尔為

皇太后於戲惟君暨后奉神靈之統理萬物之宜惟孝

惟誠以奉

九廟之祀惟敬惟愛以承

兩宮之懽惟勤致儆戒相成之益惟無忘詩書圖史

之規惟謙和以睦宗端惟節儉以處富貴私

樛木逮下之惠衍冬蝨斯蕃衍之祥予以表正

六宮予以母儀四海懋欽乃行用永光華

謁廟

是日早內官於

奉先殿陳設牲醴祝帛畢候

上同

皇后至贊引引就拜位

上在東

皇后在西行禮如常儀祭畢還宮

合盃

是日內官先於

正宮殿內設

上座于東

皇后座于西相向置酒案于正中稍南置四金爵兩

盃於案上謁

廟還內侍女官請

上與

皇后各就更服處

上服皮弁服陞內殿

皇后更衣從陞替請陞座執事者舉饌案於

上與

皇后前女官司尊者取金爵酌酒以進飲訖女官進

饌舉饌訖女官再取金爵酌酒以進飲訖進

饌女官以盃盞酌酒合和以進飲訖又進饌

舉饌畢內侍奏禮畢

上同

皇后與內侍女官執事奏請

上與

皇后就更服處易常服

皇帝從者餽

皇后之饌

皇后從者餽

皇帝之饌

兩宮朝見

第二日早

上冕服

皇后禮服詣

某宮侯

某宮禮服陞座贊引引

上與

皇后詣

某宮前宮人以殿脩盤立于

皇后左贊禮贊

上與

皇后皆四拜執事二人舉案至

某宮正中宮人以殿脩盤授

皇后

皇后捧置于案上執事女官舉案

皇后隨舉進至

某宮前

皇后復位贊禮贊

上與

皇后皆四拜執事者舉殿脩案徹于西贊禮畢

皇后還宮

謝恩

第三日早

上冕服



皇后禮服同詣

某宮前八拜禮訖

皇后詣內殿俟

上服皮弁服陞座贊引女官引

皇后禮服詣

上前就拜位行八拜禮畢

皇后還宮陞座引禮引在內親屬贊八拜禮次引六

尚等女官贊八拜禮次引各監局內官內使

行八拜禮畢降座入閣是日

上受

皇后謝恩禮畢出具服御

奉天殿頒

詔布告中外行禮如常儀

詔

朕以天序祗承大統君臨海宇予育兆民仰

惟隆古帝王政由彝教禮謹大婚茲承

聖祖母太皇太后

聖母皇太后命慎簡賢淑作配朕躬謹昭告

天地

宗廟以某年某月日冊某氏為

皇后正位中宮以共承

宗祀協贊化理敷告中外咸使聞知

受賀

第四日文武百官具朝服上表慶賀陳設如

常儀

上具袞冕御華蓋殿

親王先行八拜禮慶賀次執事官行五拜三叩頭

禮畢鴻臚寺奏請陞殿導

駕官前導百官進表行禮如常儀其

親王行禮畢詣內殿

某宮前

皇后前俱行慶賀八拜禮出是日

某宮具禮服陞內殿受內外命婦慶賀禮外命婦進

表如常儀

皇后禮服陞殿受內外命婦慶賀禮外命婦進箋如

常儀

盥饋

第五日清晨尚膳監具膳羞

皇后具禮服詣

某宮俟膳至贊引引

皇后詣前贊四拜尚食以膳授

皇后皇后捧膳進于案復位贊四拜贊引引

皇后退立于西南俟膳畢引出還宮

大明會典卷之六十五

禮部二十四

婚禮二

皇太子納妃儀

成化二十三年定

納采問名

前期擇日遣官告

太廟牲用犢各一用祝文至期前一日所司設御座於

奉天殿鴻臚寺設

制案節案於



御座前內官監禮部陳禮物於文樓下教坊司設中
和樂於殿內至日清晨錦衣衛設鹵簿於
丹陛丹墀禮部設綵輿教坊司設大樂俱於

奉天門外

上具袞冕御

華蓋殿鴻臚寺奏執事官行叩頭禮畢請陞殿導
駕奉引如常儀

上御奉天殿文武官朝服叩頭訖執事引正副使朝
服就拜位行四拜禮傳

制官奏傳

制訖由左門出執事官舉

制案節案亦由左門出傘蓋遮護置丹墀中道傳

制官宣

制曰茲擇某官某女為

皇太子妃命卿等持節行納采問名禮正副使又
行四拜禮鴻臚寺奏禮畢

上興引禮引節案

制案由

奉天門左門出執事官引文樓下禮物隨出至
奉天門外正副使取節

制書置綵輿中儀仗大樂前導從二門行出

東長安門外正副使釋朝服乘馬隨行詣

皇太子妃府行禮

受納采問名

皇太子妃府前一日設正副使幕次于大門外道

左南向設香案于正堂中設

制案節案于香案南別設案于香案之北其日正

副使至大門外儀仗大樂分列置綵輿于正

中設

制案節案于綵輿北引禮引正副使入幕次執事

官陳禮物於正堂正副使幕次取節

制書置案上禮官一員先入正堂立于東主婚者

朝服出見立於西禮官曰奉

制聘

皇太子妃遣使行納采問名禮引禮引主婚者出

迎引禮引正副使捧節及

制書先行主婚者隨行至正堂置節及

制書于案正使立于案左副使立于案右引禮引

主婚者就拜位行四拜禮詣案前跪正使取

納采

制宣訖授主婚者主婚者受之授執事者置于北

案上稍左副使取問名

制宣訖授主婚者主婚者受之授執事者置于北
案上稍右主婚者俯伏興平身執事者舉笞
問名表案于主婚者後少西取表授主婚者
主婚者受表跪授正使正使置表于案主婚
者俯伏興平身退就拜位又行四拜禮畢正
副使出置表綵輿中訖主婚者至正副使前
致詞云請禮從者酒饌畢主婚者奉幣以勞
正副使正副使出主婚者送至大門外正副

使進綵輿於

東長安門入至

奉天門外以節表授司禮監官奏

聞復

命

納徵告期冊封

先期一日遣官告

太廟所司設

制案節案冊案

妃冠服禮物中和樂至日清晨設鹵簿綵輿大樂

傳

制遣使禮儀並同前納采問名儀但設

妃儀仗車輅於

左順門外候禮物過隨行又改

制詞云茲冊某官某女為

皇太子妃命卿等持節行納徵告期冊封禮

受納徵告期冊封

皇太子妃府前一日設正副使幕次香案

制案節案冊案玉帛案並同前受納采問名儀但

納徵用玄纁束帛轂圭八馬等物其目正副

使至

皇太子妃府於綵輿中取節

制書冊玉帛置於案少候執事先設

皇太子妃冠服諸禮物於正堂八馬陳於堂下禮

官一員先入正堂主婚者朝服出見禮官曰

奉

制封

皇太子妃遣使行納徵告期冊封禮主婚者出迎

執事舉玉帛冊案前行正使於案取節及納

徵

制書副使取告期

制書捧之以次行主婚者後隨至正堂正副使各
以節

制書置于案退立于案之左右東西向置玉帛冊
案于

制書案之南引禮引主婚者就拜位行四拜禮引
詣案前跪正使取納徵

制書宣訖授主婚者主婚者受之以授執事者執
事者跪受置于北案正使捧圭授主婚者主
婚者受之以授執事者執事者跪受置于北

案副使捧纁授主婚者主婚者受之以授執
事者置于北案畢副使取告期

制書宣訖授主婚者主婚者受之以授執事者置
於北案主婚者俯伏興平身復位行四拜禮
畢正副使入次少候女官捧

皇太子妃首飾冠服入中堂左內官陳儀仗車輅
等物於大門之內女官以首飾冠服進

皇太子妃內官進

皇太子妃儀仗於中堂前司禮監官進前受節冊
正副使於案取節冊受之仍前立候內官二

人引捧節冊監官入中堂前各置于案

皇太子妃具服出閣女官及宮人擁護詣香案前

向

闕立贊禮女官贊行四拜禮贊宣冊贊跪

皇太子妃跪宣冊女官取冊立宣於

妃左訖贊受冊贊摺圭宣冊官以冊進授

皇太子妃受冊以授女官女官跪受於右立於

西贊出圭興又贊四拜禮畢

皇太子妃入閣持節監官由正門出授正副使報

受冊禮畢正副使出大門外置節綵輿中圭

婚者請禮從者及以幣勞正副使還至

奉天門外以節授司禮監官捧入復

命

醮戒

先期一日所司設

皇太子幕次於中左門前丹墀內設

皇太子受醮戒位於

御座南址向設

皇太子拜位於

丹陛上址向設贊禮二人位於

皇太子

丹陛上拜位之北東西相向知班二人位于贊禮
之南東西相向設酒饌案於醮戒位之東稍
北設司爵司饌各二人位于案之南西向執
膳內官先備金爵果合以候是日早鴻臚寺
贊引二人具朝服并

東宮侍從官先入至

文華殿門前候

皇太子出行叩頭禮贊引二人及侍從官導從由
奉天左門入至幕次具衮冕以候鼓三嚴

上御通天冠絳紗袍出鴻臚寺請陞座

上御奉天殿樂作警蹕文武官盛服行叩頭禮分班
列侍如常儀樂止贊引及侍從官導引

皇太子出幕次至東陛下侍從官止贊引導引

皇太子由東階陞至

丹陛拜位北向立贊禮贊鞠躬四拜興平身贊引
導引

皇太子由

奉天殿左門入就醮戒位北向立司爵斟酒以進

贊引贊跪

皇太子跪贊搢圭贊受爵司爵者以爵立授

皇太子皇太子啐酒訖以爵授內使內使跪受爵

退置于案司饌者以果盒跪進

皇太子皇太子取少許食訖司饌者興以果盒退

置于案贊出圭贊恭聽

戒命

上命之曰往迎尔相承我宗事勗帥以敬

皇太子曰臣謹受

命替俯伏興平身贊復位贊引仍導由左門出至

丹陛上拜位立定替禮贊鞠躬四拜興平身替禮

畢樂作警蹕

上降座還宮樂止贊引導

皇太子由東陛降丹墀

東宮內外官皆導從由

奉天左門出

午門外幕次易服

妃受醮戒

親迎日

妃家先於祠堂陳設祭物

妃服燕居冠服

妃父母妃詣祖宗前行禮奠酒讀祝禮畢執事者

具酒饌於內進

妃飲食訖父母坐于正堂女執事引

妃詣父母前各四拜父命之曰尔往

大內夙夜勤慎孝敬毋違母命之曰尔父有訓尔

當敬承

妃聽受訖次詣諸尊長行禮畢改服翟衣以候親

迎

親迎

是日早先設

皇太子幕次及儀仗奠鴈并所乘輅教坊司大樂

及隨侍官舍侍衛官軍俱于

午門外

妃家先設

皇太子幕次于中門之外南向設香案奠鴈案於

中堂

皇太子受醮戒訖贊引道引至

午門外幕次易皮弁服訖贊引跪請陞輅

皇太子陞輅執鴈者後隨樂作儀從先導隨侍官

舍管軍道從由

東長安門至

妃家門外贊引跪請

皇太子降輅道引至幕次禮官一員先入至正廳

立于東西向主婚者具朝服出見立于西東

向禮官曰

皇太子奉

制行親迎禮引禮二人具照引主婚者迎

皇太子於幕次之外內官一員具服引

皇太子出幕次主婚者請

皇太子入中堂

皇太子先行內官具服捧鴈隨入主婚者後行至

中堂主婚者進立于堂中之左

妃母立于堂中之右東西相向

皇太子至中堂女執事二人引

妃出房立于妃母之下內官引

皇太子至案前內官捧鴈跪進

皇太子皇太子以鴈奠于案內官引

皇太子稍退近東西向立主婚者詣鴈案前行八

拜禮退復位執事者徹案引禮內官導

皇太子先行至中門女轎夫舉鳳轎至於中門之

内内官具

妃儀仗于中門之外女執事引

妃出内官跪請

皇太子詣轎所啓請揭簾

妃陞轎内官啓請

皇太子陞輅前行

妃具儀仗從後行由

東長安門進至

午門外

東駕儀仗侍衛官舍官軍俱止

妃儀仗入

左順門内候内官跪請

皇太子降輅導入幕次候

妃至轎止内官跪請

皇太子揭簾

妃降轎

皇太子先行内執事以帷幕擁護

妃後行俱步入

左順門内内官跪請

皇太子乘輿先行女官跪請

皇太子妃陞轎後行至宮門外

皇太子降輿候

妃至女官跪啓請

皇太子妃降轎入幕次候行合盃禮

合盃

其日内官先于

皇太子内殿外設

妃幕次設

皇太子座于殿東西向設

妃座于西東向各設拜位於座之南設酒案于正

中稍南置兩爵兩盃於案上

皇太子至宮門外降輿入候于内殿門外之東西

向

妃降轎女官以帷幕擁護道引入幕次整飾訖導

引至内殿門西東向贊引二人導

皇太子前陞殿女官二人導

妃隨陞贊請就拜位

皇太子與妃各就拜位贊

皇太子兩拜妃四拜贊請陞座

皇太子與妃皆陞座女執事二人舉饌案進于

皇太子及妃之前女官司樽者取金爵酌酒以進
皇太子與妃各受爵飲訖女官進饌

皇太子與妃皆舉饌訖女官再以金爵進酒

皇太子與妃飲訖女官進饌皆舉饌訖女官再以
盃盞酌酒合和以進

皇太子與妃皆飲訖又進饌

皇太子與妃皆舉饌凡三舉酒饌畢執事者徹饌

案贊

皇太子與妃興就拜位相向贊兩拜如前儀畢

皇太子從者餞

妃之饌妃從者餞

皇太子之饌

皇太子從者道

皇太子入宮更禮衣妃從者及女官導

妃入宮易常服

兩宮朝覲

第二日清晨

皇太子冕服

妃翟衣女官贊引各啓請出宮至

其宮門外以伺

某宮服燕居服陞座贊引引

皇太子及妃自左門入

皇太子先入

妃後之贊禮贊詣

某宮前

皇太子立于東

妃立于西宮人以殿脩盤立于

妃之右贊

皇太子與妃皆四拜執事二人舉案至

某宮前宮人以殿脩盤授

妃妃捧盤置于案執事者舉案

妃隨案進至

某宮前妃復位贊

皇太子與妃皆四拜興執事者徹殿脩案于東贊

禮畢引

皇太子與妃出詣

上位宮前伺

上位具常服陞座贊引引

皇太子及妃由左門入詣

上位前進棗栗盤行禮同前畢詣

皇后宮進服備盤行禮同前畢贊引引

皇太子及妃出是日

賜皇太子與妃宴

盥饋

第三日清晨

妃服翟衣贊引引

妃至

某宮由左門入伺膳至贊引引

妃至前贊四拜尚食以膳授

妃妃捧膳置於案復位又贊四拜禮贊引引

妃退立于西南伺膳畢引

妃出陞轎詣

乾清宮門外降轎由左門入伺膳至贊引引

妃詣

上位前并

皇后前禮俱同

廟見

第四日內官于

奉先殿陳設牲醴祝帛贊引二人引

皇太子二人引妃至

奉先殿詣

德祖玄皇帝

皇后神御前贊

皇太子與妃皆兩拜贊跪

皇太子跪妃亦跪贊搢圭

皇太子搢圭贊進帛執事者跪進于

皇太子右贊獻帛

皇太子受帛以獻授執事者贊奠帛執事者以帛

奠于

神御前贊進爵執事者以爵跪進于右贊獻爵

皇太子受爵以獻授執事者贊奠爵執事者以爵

奠于

神御前贊再進爵執事者以爵進贊獻爵

皇太子受爵以獻授執事者贊奠爵執事者以爵

奠于

神御前贊俯伏興

皇太子俯伏興妃亦興贊復位贊

皇太子與妃皆兩拜平身次詣

各廟禮同前贊詣讀祝位

皇太子與妃詣讀祝位贊跪

皇太子跪妃亦跪讀祝訖贊俯伏興平身

皇太子俯伏興平身妃亦興贊復位贊

皇太子與妃皆兩拜平身贊執事者捧祝帛各詣

燎所贊詣燎位贊禮畢引禮引

皇太子及妃還宮

慶賀

是日早

上具皮弁服御

華蓋殿執事官行禮奏請陞殿導

駕樂作陳設如常儀文武百官具朝服先行四拜

禮鴻臚寺官詣

丹陛上跪致詞曰某官臣某等恭惟

皇太子嘉禮既成益綿

宗社隆長之福臣某等不勝忻忭之至謹當慶賀

又四拜禮畢

上起易服

賜宴羣臣如冬至正旦之儀

其日命婦慶賀

皇太后行禮致詞如前但致詞某官某夫人妾某氏

等後又改妾某氏等禮畢慶

皇后禮同前但改致詞曰

皇太子嘉聘禮成益綿景福餘並同禮畢

皇太后賜宴命婦

大明會典卷之六十五

178-1
5913-44



国立国会図書館

タイトル『大明會典180卷』 請求記号 WA35-23

ガラス使用